

ქ. თბილისი

13 ოქტომბერი, 2021 წ.

ერთი მხრივ, სს „საქართველოს ნავთობისა და გაზის კორპორაცია“ (შემდგომში - შემსყიდველი), წარმოდგენილი დირექტორის ტექნიკურ საკითხებში არჩილ დეკანოსიძის სახით და მეორეს მხრივ, შპს „ჯორჯტრანს“ (შემდგომში - მიმწოდებელი), წარმოდგენილი დირექტორის თენგიზ შავიშვილის სახით,

იმ გარემოებიდან გამომდინარე, რომ 2021 წლის 20 სექტემბერს შემსყიდველის მიერ „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად გამოცხადებულ ტენდერში NAT210018346 გამარჯვებულად გამოცხადდა შპს „ჯორჯტრანსი“ ფასით 15 035.00 (თხუთმეტი ათას ოცდათხუთმეტი) ლარი დღგ-ს გარეშე, ვთანხმდებით შემდეგზე:

### 1. ხელშეკრულების საგანი

1.1. წინამდებარე ხელშეკრულების საგანია, შემსყიდველის მიერ ხრემისა და ფლეთილი ქვების (შემდგომში - საქონელი) სახელმწიფო შესყიდვა, წინამდებარე ხელშეკრულებით გათვალისწინებული პირობების შესაბამისად.

1.2. საქონლის დასახელება და მახასიათებლები, CPV კოდი, წარმოშობის ქვეყანა, რაოდენობა და ფასი ერთეულის მიხედვით მოცემულია წინამდებარე ხელშეკრულების დანართი №1-ში (ფასების ცხრილი), გარდა საქონლის მიწოდების ვადისა, რომელიც განისაზღვრება ამავე ხელშეკრულების 3.1 პუნქტის შესაბამისად. აღნიშნული დანართი №1-ში (ფასების ცხრილი), თან ერთვის ხელშეკრულებას და წარმოადგენს მის განუყოფელ ნაწილს.

### 2. მხარეთა უფლება-მოვალეობები

2.1. შემსყიდველი უფლებამოსილია მოსთხოვოს მიმწოდებელს ხელშეკრულებით ნაკისრი ვალდებულებების დროულად და სრულად შესრულება.

2.2. შემსყიდველი ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით;

2.3. მიმწოდებელი უფლებამოსილია, მოსთხოვოს შემსყიდველს ხელშეკრულებით ნაკისრი ვალდებულებების დროულად და სრულად შესრულება.

2.4. მიმწოდებელი ვალდებულია, მიაწოდოს შემსყიდველს ნივთობრივად და უფლებრივად უნაკლო საქონელი და მასთან დაკავშირებული აუცილებელი დოკუმენტაცია;

### 3. საქონლის მიწოდების ვადა, ადგილები და პირობები

3.1. შემსყიდველი აჭარისა და გურიის რეგიონში ახორციელებს მაგისტრალური გაზსადენის განშტოების მშენებლობას, რომლისთვისაც საჭიროა წინამდებარე ხელშეკრულებით განსაზღვრული შესყიდვის ობიექტი. შესაბამისად, საქონლის მიღება ხორციელდება სამშენებლო დერეფანში. აჭარისა და გურიის რეგიონში რთული მეტეოროლოგიური პირობების, კერძოდ, კი უხვი ნალექის (წვიმების) გამო, შემსყიდველი ვერ ახერხებს სამშენებლო დერეფანში შესვლას და სამუშაოების წარმოებას. ასევე, შემსყიდველი წვიმიან დღეებში მოკლებულია შესაძლებლობას უზრუნველყოს საქონლის მიღება. მიმდინარე პერიოდის ამინდის გათვალისწინებით, რაც წინასწარ, ტენდერის გამოცხადების ეტაპისათვის შემსყიდველისათვის ვერ იქნებოდა ცნობილი, შემსყიდველი ხელშეკრულების გაფორმებიდან 15 (თხუთმეტი) კალენდარული დღის ვადაში ვერ უზრუნველყოფს უწყვეტ რეჟიმში მოსაწოდებელი საქონლის მიღებას. ყოველივე აღნიშნულის გათვალისწინებით, შემსყიდველისგან დამოუკიდებელი მიზეზის გამო, მიზანშეწონილია დაკორექტირდეს წინამდებარე ხელშეკრულებით განსაზღვრული საქონლის მიწოდების ვადა და განისაზღვროს შემსყიდველის მოთხოვნიდან 15 (თხუთმეტი) კალენდარული დღით. ამასთანავე, შემსყიდველი ვალდებულია საქონლის მოწოდების მოთხოვნა განახორციელოს არაუგვიანეს ხელშეკრულების გაფორმებიდან 30 (ოცდაათი) კალენდარული დღის განმავლობაში.

3.2. საქონლის მიწოდება მიმწოდებელმა უნდა უზრუნველყოს ნატანებში (მდ. ნატანებთან) - X-233513, Y- 4644868 კოორდინატით განსაზღვრულ ტერიტორიაზე.

3.3. ხელშეკრულების დანართი N1-ის (ფასების ცხრილი) მე-2 პოზიციით განსაზღვრული საქონლის (ფლეთილი ქვა) მოწოდებასთან ერთად მიმწოდებელმა, ერთჯერადად, უნდა წარმოადგინოს საქონლის კუთრი წონის დამადასტურებელი სერტიფიკატ(ებ)ი/დოკუმენტ(ებ)ი, რომელშიც შესაძლებელი იქნება ქვის მოპოვების (კარიერის/სალიცენზიო ადგილის) ადგილმდებარეობის იდენტიფიცირება.

3.4. დანართი N1-ის (ფასების ცხრილი) მე-2 პოზიციით განსაზღვრული საქონლზე (ფლეთილი ქვა), მიწოდებული საქონლის მოცულობის დადასტურების მიზნით, მიღება-ჩაბარების აქტის გაფორმებამდე, მიმწოდებელმა საკუთარი სახსრებით უნდა უზრუნველყოს მიწოდებული საქონლის აწონვა და შესაბამისი დამადასტურებელი დოკუმენტის

წარმოდგენა. მიმწოდებელი ვალდებულია საქონლის აწონვის პროცესში უზრუნველყოს შემსყიდველის წარმომადგენლის დასწრება.

3.5. საქონლის მიწოდებას და მიწოდებული საქონლის ადგილზე ჩამოცლას, მიმწოდებელი უზრუნველყოფს საკუთარი ხარჯებით.

3.6. საქონლის მიწოდების შემდგომ მხარეებს შორის ფორმდება მიღება-ჩაბარების აქტი. საქონელი ჩაითვლება მიღებულად მიღება-ჩაბარების აქტზე შემსყიდველის მხრიდან უფლებამოსილი პირის ხელმოწერის შემდეგ.

3.7. შემსყიდველი უფლებამოსილია უარი განაცხადოს უხარისხო ან ინსპექტირების ჯგუფის მიერ დაწუნებული საქონლის მიღებაზე.

#### 4. საქონლის ხარისხი

4.1. მიმწოდებელი იღებს ვალდებულებას, რომ მიწოდებული საქონლი იქნება ხარისხიანი და დააკმაყოფილებს ხელშეკრულებით შეთანხმებულ ხარისხს, ტექნიკურ მაჩვენებლებს და საქონლისადმი დადგენილ სტანდარტებს.

#### 5. ხელშეკრულების ფასი და ანგარიშსწორება

5.1. ხელშეკრულების საერთო ღირებულება შეადგენს 17 741,00 (ჩვიდმეტი ათას შვიდას ორმოცდაერთი) ლარს და მოიცავს მიმწოდებლის ყველა ხარჯს დაკავშირებულს საქონლის შემსყიდველისათვის მიწოდებასთან, მათ შორის, საქართველოს კანონმდებლობით გათვალისწინებულ ყველა გადასახადს, მოსაკრებელსა და სახდელს, დღგ-ს ჩათვლით.

5.2. ანგარიშსწორების განსახორციელებლად საჭირო დოკუმენტ(ებ)ი:

- სასაქონლო ზედნადები;
- საგადასახადო ანგარიშ-ფაქტურა;
- მიღება-ჩაბარების აქტი (ორმხრივად წელიწადში);

5.3. ანგარიშსწორება მიმწოდებელთან წარმოებს ლარში, უნაღდო ანგარიშსწორების ფორმით, ეტაპობრივად, ფაქტიურად მიწოდებული საქონლის შესაბამისად, საქონლის მიწოდებიდან და 5.2 პუნქტით გათვალისწინებული დოკუმენტების სრულად მიწოდებიდან არაუადრეს 8 და არაუგვიანეს 10 სამუშაო დღის ვადაში.

#### 6. გარანტია, პასუხისმგებლობა და ხელშეკრულების პირობების შეუსრულებლობა

6.1. მიმწოდებელი იძლევა გარანტიას, რომ მის მიერ მიწოდებულ საქონელს არ გააჩნია ნაკლი.

6.1.1. ნაკლის არსებობის შემთხვევაში, მიმწოდებელი თავისი ხარჯითა და პასუხისმგებლობით უზრუნველყოფს მის აღმოფხვრას შემსყიდველის მიერ ნაკლის გამოვლენის თაობაზე მისთვის (მიმწოდებლისათვის) გაგზავნილი წერილობითი შეტყობინების მიღებიდან არაუგვიანეს 2 (ორი) სამუშაო დღისა. ნაკლის აღმოფხვრა უნდა მოხდეს საქონლის ახლით შეცვლით.

6.1.2. იმ შემთხვევაში, თუ მიმწოდებელი ვერ უზრუნველყოფს ნაკლის აღმოფხვრას, შემსყიდველს უფლება აქვს დააკისროს მიმწოდებელს ნაკლიანი საქონლის ღირებულების ოდენობის პირგასამტეხლოს გადახდა, რაც მიმწოდებელმა შემსყიდველის მიერ მისთვის (მიმწოდებლისათვის) პირგასამტეხლოს დაკისრების თაობაზე წერილობითი შეტყობინების მიღების დღიდან, დაუყოვნებლივ, მაგრამ არაუგვიანეს 3 (სამი) სამუშაო დღისა უნდა გადაიხადოს.

6.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

6.3. ნაკლიანი საქონლის მიწოდების შედეგად შემსყიდველისთვის, ან მესამე მხარისათვის მიყენებული ნებისმიერი ზიანის ანაზღაურება ეკისრება მიმწოდებელს.

6.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

6.5. საქონლის მოწოდების დაყოვნების შემთხვევაში მიმწოდებელი ვალდებულია გადაუხადოს შემსყიდველს პირგასამტეხლო ყოველ ვადაგადაცილებულ კალენდარულ დღეზე ხელშეკრულების საერთო ღირებულების 0,1%-ის ოდენობით.

6.6. შემსყიდველის მიერ ანგარიშსწორების ვადის გადაცილების შემთხვევაში მიმწოდებელს უფლება აქვს დააკისროს შემსყიდველს პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0,1%-ის ოდენობით.

6.7. მიმწოდებლის მიერ პირგასამტეხლოს გადახდა, საქართველოს სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

6.8. მიმწოდებლის მიერ ხელშეკრულების შეწყვეტის/საქონლის მიწოდებაზე უარის თქმის შემთხვევაში, მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით, გარდა იმ შემთხვევებისა,

როდესაც მიმწოდებელი ხელშეკრულებას შეწყვეტს/საქონლის მიწოდებაზე უარს იტყვის ხელშეკრულების მე-11 მუხლის მე-2 პუნქტში მითითებული გარემოებების საფუძველზე.

6.9. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

## **7. მხარეთა პასუხისმგებლობისგან გათავისუფლება**

7.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს მაჟორულ გარემოებებად).

7.2. მხარემ, რომელსაც შეეძენა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

7.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

7.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

## **8. ხელშეკრულების ინსპექტირების პირობები**

8.1. შემსყიდველს ან მის მიერ უფლებამოსილ პირს უფლება აქვს განახორციელონ საქონლის კონტროლი და/ან გამოცადონ საქონელი.

8.2. მიმწოდებლის მიერ ხელშეკრულებისა და მისი დანართების შესრულებაზე კონტროლს ახორციელებს შემსყიდველის მიერ შექმნილი ინსპექტირების ჯგუფი.

8.3. ინსპექტირების ჯგუფის ფუნქციებია:

8.3.1. საქონლის მოცულობის, ხარისხისა და ვადების წინადადებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;

8.3.2. შეამოწმოს საქონელი მის მიღებამდე და უზარისხოვს შემთხვევაში უარი თქვას მის მიღებაზე.

8.3.3. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.

8.4. ყოველი გამოვლენილი ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

## **9. ხელშეკრულებაში ცვლილებების შეტანა**

9.1. ხელშეკრულების მოწაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

9.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

9.3. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

9.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

## **10. ხელშეკრულების ძალაში შესვლა და მოქმედების ვადა**

10.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2022 წლის 31 იანვრის ჩათვლით.

10.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

## **11. ხელშეკრულების შეწყვეტა**

11.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

11.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

- ა) რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა;
- ბ) ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;
- გ) სსკ 398-ე მუხლით გათვალისწინებულ შემთხვევაში.

11.3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

## 12. დავების გადაწყვეტა, მარეგულირებელი სამართალი

12.1. მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.

12.2. შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.

12.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

## 13. დასკვნითი დებულებები

13.1. ხელშეკრულება შედგენილია ქართულ ენაზე.

13.2. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

13.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.

13.4. ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

## 14. მხარეთა რეკვიზიტები და ხელმოწერები

<b>შემსყიდველი</b> სს „საქართველოს ნავთობისა და გაზის კორპორაცია“ მის: ქ. თბილისი, კახეთის გზატკეცილი №21 ტელ/ფაქსი: 224-40-40 / 224-40-41 ს/კ 206237491 სს „თიბისი ბანკი“ ბ/კ: TBCBGE22 ა/ა GE71TB7895736030100001  დირექტორი ტექნიკურ საკითხებში	<b>მიმწოდებელი</b> შპს „ჯორჯტრანს“ მის: ქ. ბათუმი, ერას ქ., №2 ტელ: 577 441000 ს/კ: 245437638 სს „საქართველოს ბანკი“ ბ/კ: BAGAGE22 ა/ა GE27BG0000000182700600  დირექტორი
---	---

თ. შავიშვილი

ს. ბერიძე

ა. ქოჩიძე

დანართი №1 - ფასების ცხრილი

№	CPV	საქონლის დასახელება და მახასიათებლები	წარმოშობის ქვეანა	განზომილება	რაოდენობა	ერთეულის ღირებულება (ლარი, დღგ-ს გარეშე)	საერთო ღირებულება (ლარი, დღგ-ს გარეშე)	ერთეულის ღირებულება (ლარი, დღგ-ს ჩათვლით)	საერთო ღირებულება (ლარი, დღგ-ს ჩათვლით)	მიწოდების ვადა
1	2	3	4	5	6	7	8	9	10	11
1	14212120	ხრეში, ფრაქცია 0-40მმ	საქართველო	83	400	23	9200	27.14	10856	ხელშეკრულების გაფორმებიდან არაუგვიანეს 15 (თხუთმეტი) კალენდარული დღე
2	14212300	ფლეთილი ქვა, ვულკანური წარმოშობის, დიამეტრი: 80-130სმ, კუთრი წონა: არანაკლებ 2200 კგ/მ3	საქართველო	83	100	58,35	5835	68.85	6885	ხელშეკრულების გაფორმებიდან არაუგვიანეს 15 (თხუთმეტი) კალენდარული დღე

ფასების ცხრილის შევსების წესი:

- პრეტენდენტმა უნდა შეავსოს ფასების ცხრილი მე-4, მე-7, მე-8 და მე-11 გრაფებში, (თუ პრეტენდენტი დღგ-ს გადამხდელია უნდა შეავსოს მე-9 და მე-10 გრაფებიც);
- პრეტენდენტმა მის მიერ წარმოდგენილ ფასების ცხრილში უნდა მიუთითოს ინფორმაცია შემოთავაზებული საქონლის წარმოშობის ქვეყნის შესახებ.
- პრეტენდენტის მიერ, „წინადადების მიღება დასრულებულია“ ეტაპზე, წარმოშობის ქვეყნის შესახებ ინფორმაციის წარმოდგენილობა, ან ფასების ცხრილის წარმოდგენილობა, ან ფასების ცხრილის განუფასებლად წარდგენა გამოიწვევს სატენდერო პროცედურებიდან პრეტენდენტის დისკვალიფიკაციას და ზუსტების მექანიზმის გამოყენების გარეშე.

ხელმოწერა \_\_\_\_\_